

«ТАСДИҚЛАНГАН»
“Ангрен логистика маркази” АЖ
акциядорларининг навбатдан
ташқари умумий йиғилишини
2-сонли баёни
2022 йил 25 август

**“АНГРЕН ЛОГИСТИКА МАРКАЗИ”
АКЦИЯДОРЛИК ЖАМИЯТИНИНГ
ИННОВАЦИОН ФАОЛИЯТНИ ҚЎЛЛАБ-
ҚУВВАТЛАШ ЖАМҒАРМАСИ ТЎҒРИСИДА”ГИ
Н И З О М**

Ангрен шаҳри - 2022 йил

1. УМУМИЙ ҚОИДАЛАР

1.1. Мазкур Низом (кейинги ўринларда – Низом) Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги, Ўзбекистон Республикаси Президентининг “Тадбиркорлик муҳитини яхшилаш ва хусусий секторни ривожлантириш орқали барқарор иқтисодий ўсиш учун шарт-шароитлар яратиш борасидаги навбатдаги ислоҳотлар тўғрисида”ги 2022 йил 8 апрелдаги ПФ-101-сон Фармониға, Ўзбекистон Республикаси Вазирлар Маҳкамасининг “2021-2025 йилларда давлат иштирокидаги корхоналарни бошқариш ва ислоҳ қилиш стратегиясини тасдиқлаш тўғрисида”ги 2021 йил 29 мартдаги 166-сон қарорининг 1-иловаси билан тасдиқланган “2021 - 2025 йилларда давлат иштирокидаги корхоналарни бошқариш ва ислоҳ қилиш стратегиясига, Ўзбекистон Республикаси Президентининг 2022 йил 6 июлдаги “2022-2026 йилларда Ўзбекистон Республикасининг инновацион ривожланиш стратегиясини тасдиқлаш тўғрисида”ги ПФ-165-сонли Фармони ҳамда “2022-2026 йилларда Ўзбекистон Республикасининг инновацион ривожлантириш стратегиясини амалга ошириш бўйича ташкилий чора-тадбирлар тўғрисида”ги ПҚ-307-сонли Қарорига, Ўзбекистон Республикаси Вазирлар Маҳкамасининг “Хўжалик бошқаруви органлари ва йирик давлат корхоналаридаги инновацион фаолиятни кўллаб-қувватлаш жамғармаси тўғрисида”ги намунавий низомни тасдиқлаш ҳақида”ги 2018 йил 12 мартдаги 195-сонли қарори билан тасдиқланган намунавий низом асосида ишлаб чиқилган бўлиб, Ўзбекистон Республикаси Вазирлар Маҳкамасининг “Илмий-инновацион ишланма ва технологияларни ишлаб чиқаришга татбиқ этишнинг самарали механизмларини яратиш чора-тадбирлари тўғрисида”ги 2018 йил 12 январдаги 24-сонли [қарорига](#) мувофиқ “Ангрен логистика маркази” АЖдаги Инновацион фаолиятни кўллаб-қувватлаш жамғармаси (кейинги ўринларда Жамғарма деб аталади) маблағларини шакллантириш, бошқариш ва улардан фойдаланиш тартибини белгилайди.

1.2. Жамғарма жамиятда илмий амалий тадқиқотларни, инновацион ишланмаларни, тажриба-конструкторлик ишланмаларни молиялаштириш ва уларни ишлаб чиқаришга татбиқ этиш мақсадида юридик шахс мақомига эга бўлмаган ҳолда ташкил этилади.

2. ЖАМҒАРМА МАБЛАҒЛАРИНИ ШАКЛЛАНТИРИШ ТАРТИБИ

2.1. Жамғарма жамиятнинг инновацион фаолиятини кўллаб-қувватлаш ва ривожлантиришга йўналтириладиган маблағларини жамғариб боради.

2.2. Қўйидагилар Жамғарма маблағларини шакллантиришнинг асосий манбалари ҳисобланади:

хўжалик юритувчи субъект соф фойдасидан 10 фоиз миқдоридаги ажратмалар;
қонун ҳужжатларида тақиқланмаган бошқа манбалар.

2.3. Мазкур низомнинг [4-бандида](#) кўрсатилган Жамғарма маблағлари жамият томонидан унга хизмат кўрсатувчи тижорат банкларидан бирида очиладиган махсус ҳисобрақамида жамланади.

3. ЖАМҒАРМАНИ БОШҚАРИШ ВА ЖАМҒАРМА МАБЛАҒЛАРИДАН ФОЙДАЛАНИШ ТЎҒРИСИДА ҚАРОРЛАР ҚАБУЛ ҚИЛИШ

3.1. Жамғарма маблағлари ҳисобидан молиялаштириш учун тақдим этилган илмий-амалий тадқиқотлар, инновацион ишланмалар ва тажриба-конструкторлик ишлари лойиҳалари (кейинги ўринларда лойиҳа деб аталади) жамиятнинг Илмий-техник кенгаши (кейинги ўринларда Илмий-техник кенгаш деб аталади) томонидан кўриб чиқилади.

3.2. Илмий-техник кенгашга кўриб чиқиш учун лойиҳалар жамиятнинг инновацияларга буюртмалар портфелини шакллантириш ва яратилган технологияларнинг тажриба-саноат синовини ўтказиш ишларини мувофиқлаштириш, маҳсулотнинг тажриба партияларини ишлаб чиқариш ва сериялаб ишлаб чиқаришни йўлга қўйишни ташкил қилишга масъул бўлими томонидан киритилади.

3.3. Илмий-техник кенгаш Жамғарма маблағларидан молиялаштириладиган лойиҳаларнинг илмий-техник экспертизасини ўтказди ва қуйидагилар бўйича қарор қабул қилади:

лойиҳани Жамғарма маблағлари ҳисобидан молиялаштиришга қабул қилиш ёки лойиҳани молиялаштиришни рад этиш;
лойиҳани қайта ишлашга ёки қўшимча экспертизага юбориш.

Зарур ҳолларда тегишли соҳада етарли даражадаги билим ва малакага эга бўлган олим ва мутахассислар эксперт сифатида жалб этилади.

Муҳокамада иштирок этиш учун лойиҳа Бош директор ва ижрочилари таклиф этилиши мумкин.

Илмий-техник кенгаш қарорлари кўпчилик овоз билан қабул қилинади ва унинг раиси имзоси билан баённома тарзида расмийлаштирилади.

3.4. Жамғарма маблағлари Илмий-техник кенгашнинг ижобий хулосаси олингандан сўнг, жамият Бош директор қарори асосида Жамғарманинг тасдиқланган даромадлари ва харажатлари сметаси доирасида махсус ҳисобрақамидан сарфланади.

3.5. Жамғарма маблағларини бошқариш жамият Бош директор томонидан амалга оширилади, унинг асосий вазифаларига қуйидагилар киради:

Жамғарманинг даромадлари ва харажатлари сметасини тасдиқлаш;

Жамғарманинг даромадлари ва харажатлари тўғрисидаги ҳисоботларни кўриб чиқиш ва тасдиқлаш;

Жамғарма маблағларининг мақсадли ва самарали сарфланишини назорат қилиш;

Жамғарма маблағларини шакллантириш ва улардан фойдаланиш билан боғлиқ бошқа ваколатларни амалга ошириш.

3.6. Жамият Бош директорнинг илм-фан ва инновациялар бўйича ўринбосари:

а) Жамғарма маблағларидан самарали фойдаланишни ташкил этади ва уни ташкил этиш мақсадларига эришиш учун масъулдир;

Жамғарма маблағларидан мақсадли ва самарали фойдаланиш чораларини кўради;

Жамғарма даромадлари ва харажатларининг ижро этилиши бўйича ҳисоб ва ҳисоботларнинг юритилишини, шунингдек, уларнинг ишончлилигини таъминлайди;

б) Ўзбекистон Республикаси Инновацион ривожланиш вазирлиги билан биргаликда ҳар йили қуйидагиларни шакллантиради:

илмий-техник, инновацион лойиҳалар ва ишлаб чиқилган технологияларнинг тажриба-саноат синовларини ўтказиш ишларини, маҳсулотнинг тажриба партияларини ишлаб чиқаришни ва серияли ишлаб чиқаришни ташкил этиш учун буюртмалар портфели;

мос йўналишдаги илмий-тадқиқот ва олий таълим муассасалари билан илмий-тадқиқот ишларини бажариш бўйича тузилган шартномалар рўйхати;

моддий-техник, илмий-лаборатория базасини мустаҳкамлаш, тажриба тадқиқотларини ўтказиш, илмий ишланмаларни жорий этиш, илмий-техник кадрларни моддий рағбатлантириш ҳамда уларнинг малакасини оширишни молиявий жиҳатдан қўллаб-қувватлаш учун мос йўналишдаги илмий-тадқиқот ва олий таълим муассасаларининг рўйхати.

в) ажратилган маблағлардан фойдаланиш ва келгуси ҳисобот даврида кутилаётган харажатлар тўғрисида хўжалик юритувчи субъект Бош директорга ҳар чоракда маълумот киритади.

3.7. Илмий-техник, инновацион лойиҳалар учун буюртмалар портфелини шакллантириш ва ишлаб чиқилган технологиялар бўйича тажриба-саноат синовларини ўтказиш, маҳсулотнинг синов партияларини чиқаришни ва серияли ишлаб чиқаришни ташкил этиш, шунингдек, илмий-тадқиқот ишларини бажариш учун шартномалар рўйхатини шакллантириш меъёрлари қуйидагилар ҳисобланади:

лойиҳаларнинг хўжалик юритувчи субъект эҳтиёжларига мувофиқлиги;
иқтисодий ва экологик самарадорлик;

меҳнат сарфи ва ресурсларни мақбуллаштириш;

маҳсулотнинг энергия самарадорлиги ва рақобатбардошлиги;

илмий ҳажмдорлик, импорт ўрнини қоплаш ва экспортга йўналтирилганлик;

маҳаллий хом ашё асосида технологияларни ишлаб чиқиш.

4. ЖАМҒАРМА МАБЛАҒЛАРИДАН ФОЙДАЛАНИШ ТАРТИБИ

4.1. Жамғарма маблағлари қуйидагиларга йўналтирилади:

янги техника ва технологияларни ишлаб чиқиш, зарур тажриба-саноат

синовларини ўтказиш, маҳсулотларнинг тажриба партияларини ишлаб чиқариш ва сериялаб ишлаб чиқаришни йўлга қўйишга тайёрлаш чора-тадбирларини амалга ошириш билан боғлиқ тадбирларни молиялаштириш;

мос йўналишдаги илмий-тадқиқот ва олий таълим муассасалари билан илмий-тадқиқот ишларини бажариш бўйича тузилган шартномаларни молиялаштириш;

мос йўналишдаги илмий-тадқиқот ва олий таълим муассасаларининг моддий-техник ва илмий-лаборатория базасини мустаҳкамлаш, уларни экспериментал тадқиқотлар ўтказиш, илмий ишланмаларни жорий этиш, илмий-техник ходимларни моддий рағбатлантириш ва малакасини оширишда молиявий қўллаб-қувватлаш.

4.2. Жамғарманинг жорий йилда фойдаланилмаган маблағлари қайтариб олинмайди ва мазкур Низомда белгиланган тартибда келгусида фойдаланиш учун хўжалик юритувчи субъектнинг махсус ҳисобрақамида сақланади.

5. ЯКУНЛОВЧИ ҚОИДА

5. Жамғарма маблағларини тўғри шакллантириш ва улардан мақсадли фойдаланиш учун жавобгарлик Жамият Бош директор ва унинг илм-фан ва инновациялар бўйича ўринбосари зиммасига юкланади.